

LES SEPT ^{no. 5}

Derniers Articles accordez par le Roy & son Conseil , à Messieurs les Deputez des trois Estats.




A PARIS,

De l'Imprimerie d'Anthoine du Brueil, entre
le Pont S. Michel, & la rue de la Harpe
à l'Estoille couronnee.

M. DC. XV.

I H S S E P T
Membres d'articles de
cordes par le Roy &
son Conseil, a Paris
des le 15 Mars 1671
trois livres

duplicate
net
catalogue



A PARIS

chez le sieur de la Roche, Libraire, au Palais National, sous le Vestibule, par le Bureau de la Librairie.

M D C L X V I



LES SEPT DERNIERS

*Articles accordez par le Roy &
son Conseil, à Messieurs
les Deputez des
trois Estats.*



LE S fautes ne se re-
parent pas si prom-
ptement ny avec
tât de facilité qu'el-
les se font, il s'en
faut beaucoup, à peine fix années
d'entiere reformation peuuent
elles bien souuent redresser ce
que deux mois de desordre au-
ront soudainement renuersé.
C'est pourquoy la Royne, Prin-
cesse esgallement iudicieuse &

debonnaire, preuoyant prudem-
ment les inconueniens que les
mauuaifes humeurs & corrup-
tions pourroiet apporter en l'E-
stat, s'il n'y estoit de bonne-heu-
re pourueu, a tasché d'y remedier
par des moyens conuenables à
son autorité, le plus prompte-
ment qu'il luy a esté possible,
pour couper chemin aux abus
qui se glissent, & se sont iusques
à present glissez dás les membres
de ce grand corps de la France.
Ceux qui ont veu les deportem-
ens & le soing de ceste Royne
durant sa Regence, peuuét claire-
ment resmoigner que sa Majesté
a esté de beaucoup plus soigneu-
se de la trāquilité publique, que
de son autorité particuliere, &
n'a rien eu en plus singuliere re-
commandation que le bien pu-

blic, le repos du peuple, la conseruation de la paix, & la restauration du Royaume: à laquelle iugeant tres-bien qu'il n'y a rien de si contraire que la guerre; Elle a par sa sage conduite tellement moderé toutes choses, que nous auons maintenant en toutes façons beaucoup plus sujet d'esperer que de craindre. Et estimant en outre que c'estoit fort peu de procurer la paix à la France avec les voisins, si elle ne coupoit aussi par mesme voye la racine à tant de corruptions qui se glissent en tous les ordres de l'Estat, s'est resoluë d'auancer la conuocation des Estats generaux proiectee il y a long temps pour y retrancher vnefois pour toutes, par vne bonne & serieuse reformatiō d'Estat, les causes des

plus grands maux que le Royau-
me souffre. En quoy faisant sadi-
te Majesté a ietté les fondemens
d'une longue & heureuse paix
dans le Royaume, qui fortifié par
la preuoyance Royale de tres-
grandes & puissantes alliances
au dehors, n'auoit besoing au
dedans que d'un peu de reglemēt
& d'ordre en certaines choses de-
prauees par la longueur & malice
du temps. Car nous ne pouuons
nier qu'il y ait des abus & desor-
dres parmy nous: c'est la condi-
tion commune des choses hu-
maines de n'estre iamais tellemēt
accomplies, qu'il ne s'y melle
toufiours quelque tache ou im-
perfection. Partout où il y a des
hommes il y a des deffauts. Ce
que nous osons dire d'autant
plus librement, que nous sçauōs

ladite Majesté l'aduoüer elle mesme, avec beaucoup de regret de n'y auoir peu aussi promptemēt mettre ordre qu'elle desiroit. Car comme les corps humains, ainsi les politiques, ont des saisons propres à la purgation, lesquelles si on ne choisit bien a propos, les remedes pour doux & excellents qu'ils soient, sont quelquefois, non seulement inutiles, mais souvent dommageables à la santé. Il y a quelquefois des considerations pour lesquelles les experts & habilles Medecins entretiennent quelque fluxion ou humeur peccante dans vn corps, mesme parfois vne siebure. Toutes choses ont leur temps & leur lieu. Il ne falloit donc point douter qu'aussi tost que la disposition des affaires du Roy le permet-

troit, elle qui iamais n'a eu autre
 but que la grandeur & felicité de
 ce Royaume, duquel elle a ma-
 nié iusques à present heureuse-
 ment le timon, en recherchant
 toutes sortes de moyens pour
 donner aux gens de bien le con-
 tement de ceste reformation
 si longuement desirée. Ce qui ne
 se pouuant mieux faire que par
 vne ouuerture des Estats gene-
 raux, assemblez sous l'autorité
 Souueraine, comme il s'est veu,
 nous deuons tenir pour asseuré
 qu'il ne tiendra point à cela que
 la France (repurgee d'une partie
 de ses mauuaises & violentes hu-
 meurs) ne reprenne dans peu de
 temps son ancienne splendeur &
 dignité. Elle s'en est tousiours bié
 trouuee autant de fois que la ne-
 cessité des occurences en à fait
 prendre

prendre le conseil à nos peres. Ne doutons nullement que la mesme sincerité qu'eux y ayât esté apportee en la proposition des Articles, & en l'accord d'iceux. Par la prudence de M^oseigneur le Chancelier (qui sçait sagemēt peser le poids des cōsequen- ces plus necessaires de l'Estat de la France) nous n'en tirions le mesme fruiēt, profit, vtilité, & emoluemēt qu'ils en ont tiré. Car c'est là que les plaintes & remonstrances des sujets sont proposees avec vne egale reue- rence & liberté à ceux ausquels seuls appartient d'y donner ordre & faire droict : C'est là que ce descouurent les playes & les maladies de l'Estat, & ou s'y appliquent les remedes & appareils necessaires. C'est là en vn mot où se puisent dans le commun aduis des plus notables personnages de tous les ordres, les conseils plus salutaires & plus propres pour remet-

tre toutes choses en leur entier.

I.

DONT en ceste assemblee tant celebre des Estats, ayant esté remon-
stré les necessitez de la France, les
larmes & les souffrances du peuple
vexé, chargé, & appauvry faure de
soulagement pour les gages des ri-
ches, & que l'inuention de la Pau-
lette estoit tres pernicieuse, après
disie, auoir esté remonstré les incô-
moditez, quel'establissement, q'icel-
le auoit apporté à la France: sa Ma-
jesté assistée des Princes, Seigneurs,
Officiers, & Cōseillers de son Con-
seil, pour de tres-iustes & bonnes
considerations, A voulu qu'elle fust
reuoquee, ostée, & abolie.

II.

ET QUE pour le soulagement
toutesfois de ceux qui tiennent les
charges & offices, & pour le bien
des particuliers, les Resignations

desdites charges & offices seront admises, pour lesquelles ne sera payé d'ores auant que le quart denier.

III.

A CONDITION toutesfois que lesdites Resignations n'aurent lieu sinon lors qu'elles aurent esté faites quarante iours auant la mort du resignant: que si la suruiuance des quarante iours n'est parfaite, Veut sadite Majesté que lesdites charges & offices soient supprimez iusques à certain nombre qui sera arresté par le Conseil.

IIII.

ADVENANT ainsi & de telle façon vacation ausdites offices qui seront hors le temps desdites Resignations, le Roy se reserue à y mettre & cômmettre personnes de science & de probité, telles qu'il luy plaira.

ET P O V R C E que la chose plus
necessaire au soustien & conserua-
tion d'une Monarchie c'est la Iusti-
ce ; A esté de par sadite Majesté ac-
cordé ausdits sieurs des Estats, que
la Chambre de Justice, dont l'abo-
lition fut faite en l'an 1607. seroit
restablie, pour cognoistre seulemēt
des cas reservez depuis ladite abo-
lition.

VI.

ET D'AVTANT que la pauvre
Noblesse & autres personnes de
vertu, se voyent maintenant ban-
nies des Offices & des Charges fau-
te d'argent, & que tous les Offices
de la maison tant du Roy que de
Mōsieur & de Mesdames les ſœurs,
estoiēt tombez en venalite. Sadite
Majesté pour recompenser ceux qui
le meritent, A arreſté, conclu, &
accordé, que leſdites Offices tant de

sa Maison, que de Monsieur, & de
Mesdames ses sœurs, ne se vendront
plus d'oresnauant.

VII.

EN OVTRE, pour autant que
les vrgentes affaires de l'Estat auoiét
contrainct sadite Majeste à gratifier
les vns, & aux autres augméter leurs
pensions, choses que la necessité
permettoit, pour le soulagement
de ses finances (dont le meſnage est
tant necessaire pour la conseruation
du Royaume) elle a trouué bon,
arresté, & accordé que l'esdites pen-
sions seroient diminuees.

Et à fin que chacun des ſujets soit
plainement informé de la volonté
que sadite Majesté a de procurer le
bien de la Republique, le repos &
le soulagement de tous, à satisfaiſt
aux remonstrances faictes par les-
dits ſieurs deputez des trois Estats,
puis les a honnestement congediez

& renuoyez en leurs Prouinces, faire la relatiō de tout ce qui a esté proposé, accordé, arresté & rattifié, voulant toutesfois sadite Majesté qu'une personne de chaque ordre des Prouinces faisant le nōbre de trente six, demeurast auprez d'elle, pour entendre la responce generale desdites Prouinces & deputez d'icelle, attendant laquelle responce, lettres seront expediees par le Roy de tout ce que dessus par prouision.

Voila comme toutes choses ont esté retenues en estat pacifique par la sage conduite de la Royne, & de ceux qui l'ont assistee en la direction des affaires publiques, & reformation des ordres, à laquelle nous deuons attribuer l'honneur & la gloire d'auoir restably tous lesdits ordres de ce Royaume en leur premiere splendeur, & liberté : reformé & asseuré le repos de la France & de

ceste Monarchie, avec autant de los
que si elle en auoit acquis vn autre :
respondans à ceux qui disent que les
Estats generaux diminuent l'au-
thorité du Roy, que tant s'en faut
c'est le moyen de l'affermir & rendre
perdurable.

Ceux qui sçauent la façon dont
la Royne, tres-vertueuse Princesse,
s'est comportee depuis le commen-
cement de ces affaires iusques à ceste
heure. La diligence dont elle a vsé
pour mettre sur cette occurence, or-
dre à toutes choses, & la peine qu'elle
y a prise, assistee entre autres de ce
grand Soleil de la Iustice Monsieur
le Chancelier, ne peuuent nier sans
tres-grande ingratitude, voire mes-
me sans felonnie que nous ne luy en
ayons tous tant que nous sommes
vne singuliere obligation. Il faut
que nous le recognoissions & at-
tions : nous le recognoistrions & at-

testerons, & en rendrons loüanges à Dieu, qui tient entre ses mains les cœurs des Grands, & par secrettes inspirations les tourne selon qu'il luy semble necessaire, où il veut, qui à seulement touché ceux de l'autorité desquels dependoit icy bas la resolution de telles affaires, qui prefe- rans l'interest public au particulier, ont doucement cōposé toutes choses, & par vne prompte & entiere rediligence ont affermy le repos public, donné soulagement au peuple au contentement de tous les gés de bien, en quoy on ne peut assez louer leur prudence & sagesse.

F I N.